

## فيديو #٣٤ من مقاطع حظر التجول تدبر سورة ص #٨ الآيات

٨٨-١٧

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ربعمية وتلاتين من مقاطع حظر التجول والحلقة الثامنة والأخيرة من حلقات تدبر سورة صاد ارجو من حضراتكم تجبيوا المصاحف اه - [00:00:01](#)

نسينا امبارح نتدبر الاية ستة وستين. اقرأ معي خمسة وستين ستة وستين بسرعة اعوذ بالله السميع العليم من الشيطان الرجيم. قل انما انا منذر وما من الله الا الله الواحد القهار - [00:00:20](#)

نسينا ايه بقى ؟ رب السماوات والارض وما بينهما العزيز الغفار. اذا الله سبحانه وتعالى هو الله الواحد القهار رب السماوات والارض. يعني هو رب الكون وما بينهما. كل شيء في الكون. العزيز الغفار. رب الكون وما فيه - [00:00:33](#)

هو العزيز الذي لا يهزم لا يتغلب عليه احد. الغفار الذي يحب ان يغفر كثيرا مهما بلغت الذنوب طالما ان الانسان ما بيتكبرش وبيتوب وبيعرف بذنبه ودبّرنا امبارح الاية سبعة وستين والايّة تمانية وستين اقراباً معي اقرأ معي كده سبعة وستين وثمانية وستين. قل هو نباً عظيم انتم عنه معرضون - [00:00:52](#)

قلنا ان حسب اللحاق النبا العظيم هو قصة ادم اللي هي قصة بتوسّس حياة الانسان. وقلنا حسب السياق هو القرآن كله. وحسب السباق القريب هو وحدانية الله. وحسب السباق البعيد هو - [00:01:21](#)

حسن المثاب وشر المآب مسألة البعث والحساب اقرأ بقى معي دلوقتي احنا هنا خد الايات اللي بعد كده فاحنا هنتكلم بحسب اللحاق. قل هو نباً عظيم هي بداية فقرة بتتكلّم عن خلق ادم. اقرأ بقى معي بداية - [00:01:36](#)

تدبرنا النهاردة من الاية واحد وسبعين اذ قال ربكم بشرنا من طين اذا سوته ونفخت فيه من روحه فقعوا له ساجدين اذ قال ربكم يعني اذكر لما ربكم قال - [00:01:50](#)

افتكر لما ربكم قال طب هو النبي عليه الصلاة والسلام كان موجود وقتها؟ عشان يفتكر حاجة زي كده ؟ لأنّ ده معناه ان ربنا اخبرنا انه خلق ادم بالخبر الصادق - [00:02:11](#)

والقرآن الكريم ويقول لنا تذكروها باستمرار. اذ قال ربكم يعني دايماً فكر نفسك بالقصة دي. القصة مهمة جداً ده امر للنبي ولنا احنا من خلال النبي صلى الله عليه وسلم. لازم دايماً نفكّر نفسنا بقصة ادم. هي دي اللي بتشرح لك انت هنا ليه اصلاً في الدنيا - [00:02:22](#)

بقي واحد وسبعين اذ قال ربكم بشرنا من طين ربنا اخبر الملائكة انه سيخلق بشر من طين طب احنا من اسبوع اخدنا في سورة النور والله خلق كل دابة من ماء - [00:02:44](#)

مش ده يبقى تعارض؟ ماء ولا طين؟ سورة الروم ربنا قال فيها ومن اياته ان خلقكم من تراب. الله! وده مش تعارض؟ تراب ولا ماء ولا طين هو التراب والماء بيعملوا ايه؟ بيعملوا طين - [00:03:01](#)

اذا لو ربنا قال من تراب صح. التراب داخل في التكوين. لو ربنا قال من ماء صح الماء داخل في التكوين. لو ربنا قال من طين صح الطين والماء اصلاً - [00:03:22](#)

التراب والماء قسطنطين. فده معناه ان بداية الخلق كانت من طين ثم تطور الانسان وصار التكاثر يأتي عن طريق التناسل عن طريق

الزواج بين الذكور والإناث. في سورة غافر تدبرنا - 00:03:32

هو الذي خلقكم من تراب ثم من نطفة ثم من علقة ثم يخرجكم طفلا ثم لتبلغوا أشدهم. طيب. اذا بداية الخلق من تراب. ثم بعد ذلك تمت التكاثر عن طريق الزواج بين الذكور والإناث - 00:03:48

طبعا هنا في موضوع بقى خلق الإنسان بيدخل نزاع عقيم ما لوش اي محل من الأعراب هو نزاع حول نزريات التطور. وخلافة لا محالة لها من الأعراب دول يقولوا تطور حقيقة والخلق المباشر غير صحيح وغير علمي - 00:04:08

ودول يقولوا الخلق المباشر هو الحقيقة والتطور يخالف الدين ولا يمكن يكون صحيح الحقيقة ان الطرفين داخلين في نزاع متوجه متوجه ان فيه تعارض. ما المانع علميا انه يكون التطور حقيقة ويثبت. وان بررده ربنا يخلق خلق - 00:04:27

لمخلوق معين ويضعه في المنظومة. ما فيش شيء يمنع لا علميا ولا منطقيا ولا اي شيء لا يوجد ما يمنع شرعا ولا علما اه طيب ازا زهر في تعارض بين العلم والشرع نعمل ايه؟ اولا ده اللي بتفهم ان هو ده مستحيل - 00:04:48

مستحيل يا اما العلم اللي انت فاهمه علم ده مش هو الحقيقة وانه سيتغير وتظهر نظريات جديدة. واما ان فهمك للشرع كن خاطئ والشرع ما بيقولش اللي انت فاهمه ده - 00:05:08

لكن تعارض حقائق علمية مع قطعيات وثوابت الدين امر مستحيل وايه رأيكم بقى ان العلم اكتشف ان الإنسان اصله من تراب الغبار الكوني ودي مقالة هحط لكم الرابط بتاعها على موقع ناشيونال جيوغرافيك. اللي عايز يعمل لها جوبل دلوقتي يسبرش عليها. ها وفورتي - 00:05:24

عاوزين يعني اربعين الف طن من الغبار الكوني اللي طالع من السوبر نوفا من من الشموس الكبيرة اللي خارج المجرة بيقعوا على الأرض كل سنة وبيدخلوا في تكوين التربة وتكون الإنسان - 00:05:48

يزل الإنسان من تراب حتى علميا حتى يعني الملايين انا اللي يهمني هنا هو متى امر الله الملائكة بالسجدة للبشر؟ اقرأ معی واحد وسبعين واثنين وسبعين اذ قال ربكم الملائكة اني خالق بشر من طين - 00:06:11

فإذا سويتم ونفخت فيه من روحك فقعوا له ساجدين يعني الملائكة لم تؤمر بالسجدة بعد خلق الإنسان ولا بعد تسوية الإنسان بل بعد نفخ الروح هذه النفحة العلوية هي التي تربط الطين بالسماء - 00:06:35

واذ قال ربكم الملائكة بص معی واحد وسبعين اني خالق بشر من طين. قال لهم اسجدوا لأ لسة فإذا سويته قال اسجدوا لأ لسة ونفخت فيه من روحك وقعوا له ساجدين. هذه النفحة - 00:06:57

العلوية هي التي تربط هذا الطين بالسماء الطين بيشد الإنسان لأسفل. شهوات الإنسان بتشد الإنسان لأسفل. والروح التي نفخها الله في الإنسان ت يريد أن تتسامي تتطلع إلى السماء مصدرها السماء هو ده الصراع اللي داخل كل واحد فينا. الطين يجعلك تنسي والروح تذكرك بالله - 00:07:13

الطين يشدك تحت والروح تشدق للسماء قبل نفحة قبل النفحة كان البشر هيبقى زي اي حيوان على الأرض مجرد جسد عنده شهوات ي يريد اشباع هذه الشهوات لما يشعر بالجوع يفترس غيره لما - 00:07:40

نشر بالانجذاب الجنسي يشبع رغباته دون تقيد باي قيود او اي مسؤوليات اما الروح فيها التي جعلت هذا البشر عاقل يفكر يتطلع إلى معرفة سبب وجوده. هو انا اصلا هنا بعمل ايه في الدنيا - 00:07:56

وزيفتي في الدنيا ايه اصلا؟ الجوب سكريبيشن بتاعي ايه ايه هي المهام المطلوبة مني اصلا؟ عشان كده الدعوات المادية اللي بتقول بعدم وجود الروح ان الروح مش شيء مادي وهم دعوات مادية وعقل مادي وحضارة مادية اي شيء مش مادي ما بيعرفوش بوجوده - 00:08:12

دائما تجدوا نفس الدعوات المادية دي مرتبطة بالانحلال الأخلاقي وبالتفسخ الأخلاقي. ليه؟ لأن المادية اللي جعلتهم ينكروا وجود عشان الجروح غير مادية هي نفسها المادية اللي ت يريد ارضاء شهوات الجسد المادي دون تقيد بشرائع تطبيقها. ما فيش ضوابط - 00:08:34

الشريعة تجعلك تشبع الغرائز لكن اشبع الغرائز مرتبط بالمسؤولية عاوز ايضا اتوقف عند اليماء في كلمة روحي فإذا سويته ونفخت فيه من دوحه .. يعني ايه دوح الله! الله! يعني ايه دوح الله - 00:08:55

من روحی: یعنی ایه روحی؟ روح الله! الله! یعنی ایه روح الله - 00:08:55

زي ما اقول سياري دياء الملكية. هل سياري جزء مني؟ لأنما ربنا يقول ارضي وسمائي مش جزء منه يعني يملك هذه الارض يملك هذه السماء. روحى لا يجوز للمسلم انه يظن انها الروح - 00:09:17

التي يحيا بها الله. اوعى تفتقركده ليس كمثله شيء هي روحني يعني روح الله يعني ملك لله الروح التي اعدها الله للانسان: لكـ التكـ به واضحـ حداـ فيـ الـةـ الحـقـيقـةـ الـاـلـةـ فـيـهـ تـكـ بـهـ كـبـ حـدـاـ لـلـاـنـسـاـنـ - 00:09:37

للإنسان لكن التكريم واضح جدا في الآية الحقيقة. الآية فيها تكريم كبير جدا للإنسان - 00:09:37

اقرا كده الاية اتنين اقرا كده معى الاية اتنين وسبعين. فاذا سوитеه ونفخت فيه بالروح فقعوا له ساجدين. اول تكريم ان الله هو الذي اذا سويته تانى تكريمه ونفخت فيه من روح .. ربنا هو الذى نفح الروح المملوكة له واعدها للانسان. ربنا هو الذى سواه - 01:10:00

وهو الذي نفح فيك الروح اسمع بقى ففعوا له ساجدين امر الله الملائكة بالسجود لadam وده امر كبير جدا هو نبا عظيم انت عنده

وهو الذي نفح فيك الروح اسمع بقى ففعوا له ساجدين امر الله الملائكة بالسجود لادم وده امر كبير جدا هو نبا عظيم انتم عنه معرضون متنه التكريم للانسان ان الملا الاعلى ان اعلى المخلوقات الملائكة ربنا يسجدها للانسان السجود لغة هو الخصوص -

00:10:22

اللّغة السجود عن الخضوع اصطلاحاً السجود هو وضع الجبهة على الارض خضوعاً اقراً بقى معي ثلاثة وسبعين واربعة وسبعين.

00:10:48 - جماعة

قال النبي صلى الله عليه وسلم ملك من الملائكة موكل بالسحاب يبقى فيه ملك موكل بالسحاب وتحريك السحاب يعني انزال المطر الطقس .. طب. وف، حلقة الطائف قال، النبي، ان ملك - 00:11:11

الطقس. طيب. وفي رحلة الطائف قال النبي ان ملك - 00:11:11

الطبعة تتحكم في قوانين الطبيعة. وبالتالي، اسحاد الملائكة لادم هو اخضاع الطبيعة - 00:11:27

الطبيعة تحكم في قوانين الطبيعة. بالتالي اسجاد الملائكة لادم هو اخضاع الطبيعة - 00:11:27

للإنسان اخضاع الطبيعة للإنسان. ربنا سخر الكون كله. عشان يسهل عليك مهمتك يا إنسان وزيفتك إنك خليفة الله في الأرض. يعني مطلوب منك تعمير الأرض تساند الحق. تقف ضد الظلم وضد الباطل. آآ طبعاً تعبد الله. آآ تدعوا الناس إلى الخير. دي المهام المطلوبة

00:11:50 - من ك الخليفة

والله في الارض هتعملها ازاي لو الطبيعة بتعيقك يعني مسلا لو لو قوة الجاذبية قوية جدا فانت مش قادر تشيل رجلك من على الارض. طب انت هتعمل يعني هتؤدي وزايفك ازاي - 00:12:16

الاэрط . طب انت هتعما . بعن . هتهؤدي . وزائفك ازا . - 16:12:00

في سورة الجاثية ربنا بيقول وسخر لكم ما في السماوات وما في الارض جميعا منه. كل شيء في الكون مسخر لخدمة الانسان ما عدا حاجة واحدة اربعة وسبعين. الا ايليس - 00:12:30

استكبار وكان من الكافرين قوى الشر هي اللي هتقف ضدك. مثلة في ابليس هنا مش قلنا الصورة كلها عن خطورة الاستكبار الا ابليس استكبار وكان من الكافرين الصورة ضرب المثل - 00:12:48

وهـو صـفـهـمـهـ بـالـاـهـ: هـنـا بـذـكـرـ الـلـيـسـ كـمـثـاـ اـعـلـ للـمـسـتـكـرـ بـ: - 00:13:05

00:13:05 - www.al-islam.org

الا ابليس استكبر وكان من الكافرين. بس سؤال بقى هو ليه ابليس من الكافرين يعني هو اللي ما يعملش يعني اللي يعصى ربنا بيقى  
كافر يعني له واحد عصى ربنا بقى كاف - 00:13:29

كافر يعزى له ما يحده ٦٦ دينار - كافر - ٢٩:١٣:٥٥

لـ هنا بقى دي حاجة قال لك معصية الشيطان وامتناعه من امتناعه من السجود ما كانش تكاسلا. مش زي اللي ما بيصليش تكاسلا لا.  
دـ امتناعه من دار الطعن انـ فـ حـكـمـةـ رـبـاـهـ فـ عـاـمـ ١٤٣٨ـ هـ ٠٠:١٣:٤٣

٠٠:١٣:٤٣ - ملکة سنانة - ملکة سنانة

هو شايف ان ان امر ربنا له غلط اصلا وده كفر. هذا كفر لا محالة الاية اربعة وسبعين اسمع الحوار اللي دار بين الله وبين ابليس يعني اربعة ايات وقول ربنا - ما منك ما لامت - عذرا لما تكلمت - 00:13:58

001358 - مکالمات اسلامی - حجت احمدی

استكبرت ام كنت من العالين. ربنا سبحانه وتعالى بيلوم ابليس. وبيسأله ايه بقى ايه اللي منعك انك تسجد ذي ما انا امرتك  
تسجد المخامة III. انا خاتمة اما زيارتها هنا هنالك ترتيبها - ١٩-١٤-٠٥

المذهب السلفي الذي يثبت الصفة طالما ربنا قال بيدي اذا ربنا له يدين زي ما قال عن نفسه وهذا المذهب اسلم لكن لا نعلم الكيفية  
التي تأكلك هنا فهذا التأثير في الذهاب الى المذهب

ما دام احنا قلنا ان كلمة ايدي معناها القوة. في نفس السورة الایة سبعة اشر واذكر عبدهنا داود ذا الايدي انه اواب يعني ذو القوة كان قوى. وكان ربنا كان مدع له قوه فـ حاجات معينة - 00:15:02

الآلية خمسة واربعين واذكر عبادنا ابراهيم واسحاق ويعقوب اولي الايدي والابصار وقلنا الايدي يعني القمة مش معقول ربنا هيوصف  
ذلك ما عندهم اربين - ٢٠:١٥:٣٧

طب ما انا اقول لك مسلا فلان اللي عنده ايدين ما مش ممكن يكون فيها الاي دي معناها القوة. اذا طبقا للمذهب اللي بيؤول المقصود ان ربنا خلق ادم بيديه يعني بقوته وبقدرته - 00:15:38

ده المذهب التأويلي اللي بيؤول هناك مذهب ثالث وهو مذهب التفويض اللي هو بيفوض الامر ويقول والله اعلم بمراده دول تلات مذاهب انا بقول لكم اهو اي واحد فيهم مشي - 00:15:53

ما تخشن في الجدل العقيم اللي شغال والناس عمالة تتخانق مع بعض على الفيسبوك. وده الصح. وده انت مجسمة. والاجداح احنا الصح وانت حشوية. وعمالين يتخانقوا مع بعض جدل عقيم هيضبىع الامة ما لوش اي معنى اصلا - 00:16:08

انا معندي خمسة وسبعين وعشرين حدا يقادبني في المسألة دي خالص الموضوع منتهي بالنسبة لي. خالص عمري ما هاستدرج لهذا الفح ابدا اقرا خمسة وسبعين. قال يا ابليس ما منعك ان تسجد لما خلقت بيدي - 00:16:25

استكبرت ام كنت من العالين انت شايف نفسك كبير ام كنت من العالين ولا انت علیت؟ اللي علي علي زى بالزات مع واحد مسلا  
صاحب شركة يقول لموزف قديم عنده يقول له ايه - 00:16:44

يقول لي ادي له امر فلما ما يعملوش يقول له انت ايه كبرت ولا خلاص اللي علي علي ؟ انت شايف نفسك كبير يعني ؟ ولا شايف نفسك عالي ؟ فابليس بعباوه - 00:16:59

جے يكحلها عماها عاوز بيرر معصيته لا وامر الله راح فايل ايه ؟ افرا بقى معي ستة وسبعين. قال انا خير منه. خلقتنی من نار وخلقته من طين. انا ما لان انا احسن منه. بيقول لربنا ان ان اصلا قرارك غلط - 00:17:12

خاقتني من نار وخلقته من طين خلي بالك احنا دلوقتي امام اول معصية في التاريخ - 00:17:29

الآخر اذا الخطيئة الاولى هي العنصرية وهي نوع من انواع الاستكبار استكبار بالعنصر - 00:17:48

الجنة للعنصريين وليس الخطيئة الاصلية كما يقول المسيحيين انها ان لما ادم وحواء اكلوا من الشجرة المحرمة. اولا دي مش اول  
اجرا ملي سبعه وسبعين. قال فاحرج منها فات رجيم ربنا طرده عورا من الجنة اذا الخطئه الاصلية هي المتصريه. وها مدار في

البشرية محتاجة النهاردة اي مفهوم فيهم المفهوم اللي بيقول ان لما ادم وحواء رأى آكلوا او ارتكبوا حاجة حرام. آقانون ربنا اتكلبس وده شئ كيـ حدا ولازم حد بتعاقـ عشـانـ بـنـا عـادـاـ سـ بـضـهـ بـنـا اـحـيـمـ فـبـنـاـ مشـ عـارـفـ بـعـاقـبـ مـلـاـ بـحـمـ فـعـماـ

00:18:40

ايه تجسد وتأنس يعني بقى جسده بقى في شكل انسان ونزل مات على الصليب وعاقب نفسه. هو ده المفهوم اللي البشرية ولا ان الخطيبة الاصلية والتحدي، الاساس، الذي يواحه البشرية الان هو العنصرية - 00:19:02

ان ما حدش يفتكر نفسه افضل من الاخرين يسبب لونه يسبب عرقه يسبب لغته يسبب المستوى المادي او مستوى الاجتماعي ان

اكرمكم عند الله اتقاكم اي مفهوم فيهم هو الذي ينقد البشرية النهاردة - 00:19:19

بصي للشغالة اللي بتخدمك في البيت وقولي في قراره نفسك. احتمال كبير تكون هي احسن مني عند ربنا تقدري تعلي كده بص للسوق او البواب بتاعك يقول في قراره نفسك. احتمال كبير انه يكون احسن مني عند ربنا. هل تقدر تعمل كده - 00:19:36

لو فكرتم كده لو فكرتم بالطريقة دي طريقتكم في التعامل معهم هتتغير. ونظرتكم لنفسكم انتم ما تتغيروا هتقروا هتفادوا اكبر عدو لكم اكبر عدو مش الشيطان ابدا. الشيطان ده اي كلام. ان كيد الشيطان كان ضعيفا. امال ايه اكبر عدو؟ اكبر عدو هو الانا - 00:19:56

الشيطان ما كانش قبله فيه شيطان عشان يخلي الشيطان يبقى شيطان. لأننا هي اللي كانت موجودة والانا خلت ابليس هذا المخلوق الجيد الجميل يصبح شيطان بعد كده الانا هي اللي خلت فرعون يبقى شيطان - 00:20:19

لما قال اليس لي انا ملك مصر وهذه الانهار تجري من تحتي الانا هي اللي خلت فرعون يبقى شيطان لما قال آآ انما اوتته انا على علم عندي انا بتخلي الناس شياطين. بتخلي المخلوقات شياطين - 00:20:37

تمانية وسبعين وان عليك لعنتي الى يوم الدين. لعن الشيطان بسبب الانا بتاعته. يعني طرد من رحمة ربنا الى يوم الدين ومع ذلك هو طلب من ربنا طلب زكي جدا - 00:20:58

اقرا معي تسعه وسبعين. قال ربى فانتظري الى يوم يبعثون انظرني يعني انتظري يعني ادیني مهلة طلب ان ربنا يمهله ولا يعاقبه حتى يوم البعث يبقى ربنا يحاسبه ويعاقبه. هو عارف انه هيتحاسب وعارف انه هيتتعاقب - 00:21:14

لكن هل ربنا استجاب له اقرا تمانيين واحد وتمانيين. قال فانك من المنظرين الى يوم الوقت المعلوم. ربنا فعلا هينظره يعني هيمهله ولن يعاقبه فورا لكن المهلة ليست ليوم البعث زي ما هو طالع - 00:21:37

اللي وربنا امهله اليوم البعث يبقى هو هيتفادي الموت يعني هو هييجي يوم القيمة ما يموتتش وما يعاقبشن لا يقهر بالموت. وربنا مدي له فرصة ليوم البعث. فربنا قال له لا الى يوم الوقت المعلوم - 00:21:55

الى الساعة لكن عند قيام الساعة هيموت ويقهر بالموت. يجب ان الكل يقهر بالموتى لا يوجد قهار الا الله هو الواحد القهار فربنا سيؤجل عذابه في الدنيا الى يوم الوقت المعلوم. طيب - 00:22:10

السؤال بقى هو هو يعني الشيطان كوييس اوبي يستحق ان ربنا يستجيب لدعائه يعني؟ لأننا مش بيستجيب لدعاه عشان هو يستحق الاستجابة للدعاء لأننا امهله وانذره الى يوم الوقت - 00:22:27

معلومات لأن الله الشيطان عامل رئيسى جدا في اختبارنا في الدنيا. لازم لازم يووسوس لنا ولازم نختبر هو بيمثل قوى الشر كلها هناك شياطين انسى شياطين جن زي ما اتكلمنا قبل كده. طيب - 00:22:38

معي اتنين وتمانيين وتلاته وتمانيين. قال فبعزتك لاغوينهم اجمعين الا عبادك منهم المخلصين اقسم بعزة الله انه يغوي الناس كلها لكنه واقعي وفاهم كوييس انه لا يستطيع اغواء الناس. كلها ولن ينجح في اضلال المخلصين. يعني اللي ربنا اخلصهم - 00:22:56

وطهرهم الخلاصة يعني بعد ما بتفilter الماء او السائل بينزل لك الخلاصة الطاهرة النضيفة المخلصين الناس اللي ربنا اخلصهم وطهرهم لأنهم مخلصين وما تخلصوا من الانا فربنا اخلصهم اقرا اربعة وتمانيين وخمسة وتمانيين - 00:23:18

قال فالحق والحق اقول لامان جهنم منك ومنك تبعك منهم اجمعين. ربنا بيتكلم بيقول الحق والحق اقول يعني فانا الحق والحق اقول وهناك قراءة اخرى بفتح الحق الاولى ايضا. فالحق والحق اقول ده قسم. الفاء هنا هو آآ بدل الواو القسم يعني ربنا - 00:23:40

بيقسم بالحق فالحق والحق هو الله. فالحق بيقسم بالحق ان قوله الحق انه سيملاً الحق ايه بقى؟ انه سيملاً جهنم من الشيطان واتباعه كلهم طب دي تفیدنا في ايه؟ تتدبرها ازاي؟ اللي يشوف الحرام منتشر النهاردة ويشعر بجرأة انه يرتكب الحرام في قلب الناس عشان خاطر خلاص بقى ما هو - 00:24:08

يعني ربنا هييعاقب الناس دي كلها اه يعاقب الناس دي كلها. لأن جهنم كبيرة جدا اووعى تتجروا على الحرام لما الناس كلها تعمله ثم خذ يعني سيظل الحرام حراما ولو فعله كل الناس - 00:24:35

ثم ختمت السورة بامر الله تعالى بامر الله سبحانه وتعالى لنبيه ان يقول ايه بقى ؟ اقرأ معي من ستة وثمانين لثمانية وثمانين قل ما اسألكم عليه من اجر وما انا من المتكلفين. ان هو الا ذكر للعالمين ولتعلمن نبأه بعد حين - 00:24:55

قل يعني قل يا محمد ما اسألكم عليه من اجر. انا مش عاوز منكم لا فلوس ولا منصب ولا عندي اجنده شخصية اصلا وما انا من المتكلفين بالبلدي كده وبالمرسي يعني انا مش بفتي - 00:25:14

عارفين لما واحد يتكلم في شيء ما بيفهموش من اصوله يقول لك عن ده بيفتي يا عم سبك من الفتى بتاعه نقصد انه بيتكلم في امر بدون علم. وما انا من المتكلفين يعني انا مش بتتكلم بدون علم - 00:25:28

ابن مسعود قال من سئل عما لا يعلم فليقل لا اعلم ولا يتكلم يعني ما يتكلمش في حاجة هو مش فاهمها فالرسول صلى الله عليه وسلم بيقول وما انا من المتكلفين انا مش بتتكلم بدون علم ده اللي بيقوله ده مهم جدا. ايه بقى اللي بيقوله ؟ ان هو الا ذكر للعالمين. اقرأ سعة وثمانين. ان هو الا - 00:25:41

للعالمين ولا تعلم نبأه بعد حين. اللي بيقوله ده هو ده الذكر اللي بيذكر العالمين جمع عالم عالمين عالم الانس عالم الجن عالم الحيوان كل العالم يذكر العالمين ده الذكر يعني ايه يعني بيذكر بوجود الله. بيذكر بوحانة الله. بيذكر بتنزيه الله عن كل نقص. بيذكر بان بعد - 00:26:04

موت حساب بعث وعد البعث حساب. وبعد الحساب اما جنة واما نار النار ستكون للمستكبرين الذين لا يتوبون عن خطاياهم هو ده الذكر الذي هو ايه بقى ؟ اللي هو في القرآن ارجع للراول اية في السورة - 00:26:28

الصاد والقرآن ذي الذكر. الذكر هو اللي في اخر السورة الذكر هو المحتوى بتاع كل كتب ربنا. المحتوى العقائدي لكتب الله كلها اقرأ بقى التمانية وثمانين ولتعلم نبأه بعد حين. يعني اللي مش مصدق ان ده هو الحق هيتأكد من ذلك بعد حين - 00:26:45

لما بيعث وبذلك تكون قد انتهينا بفضل الله تعالى من تدبر سورة صاد. وغدا باذن الله نبدأ سورة الزمر اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب - 00:27:08

ما زويت عنا مما نحب فاجعله فراغا لنا فيما تحب. اللهم اجعل حبك احب اليها من اهلينا واموالنا ومن الماء البارد على الظماء. اللهم حببنا اليك والى ملائكتك وانبيائك ورسلك وعبادك الصالحين. واجعلنا من يحبك ويحب ملائكتك - 00:27:29

وانبياءك ورسلك وعبادك الصالحين. اللهم احبي قلوبنا بحبك واجعلنا لك كما تحب. اللهم اجعلنا نحبك بكل قلوبنا بكل اجسادنا. اللهم اجعل حبنا لك وسعينا كله في مرضاتك. اللهم اجعل القرآن الكريم ربنا قلوبنا ونور صدورنا - 00:27:49

تلقي احزانا وذهاب همومنا وغمومنا ومغفرة ذنبنا. اسأل الله العلي العظيم ان يجعل هذا التدبر في ميزان حسناتك وحسناتكم جميعا اللهم بحق كل حرف في كتابك كلوناه او تدبرناه اكفنا واهلينا شر كل من يكيد لنا ولهم واحفظنا واياهم من شرورهم - 00:28:09

يجعلك اللهم في نحورهم فانت الوكيل ولا حول ولا قوة الا بك. اللهم بحق كل حرف في كتابك تلوناه او تدبرناه ايد بنصرك المرابطين في الارض المباركة فلسطين. وانصرهم وانصر من نصرهم. واخذل من خذلهم وظهر المسجد القاصي من - 00:28:32

فانهم لا يعجزونك. اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من مشايخنا او من علمائنا مريضا به او حاملا له فالبسه ثوب الصحة والعافية عاجلا غير اجل. ومن لم يصب به فقهه شره وابعد عنه - 00:28:52

لا تسلطه الا على اعدائك واعداء دينك واعداء اوليائك. اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصرة شريعتك - 00:29:14

فوثق اللهم رابطتها. وادم ودها واهدها سبلها واملأها بنورك الذي لا يخبو. واشرح صدورها بفيض الایمان بك وجميل الثواب توکلي عليك واحببها يا ربنا بمعرفتك. وامتها على الشهادة في سبيلك - 00:29:32

انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله في نفس هذا الموعد. مع بداية تدبر سورة

